

GOSPEL TANGKOU

(GOSPEL HERALD)

Issue No. 2

Volume: XXXIX

FEBRUARY: 2025



DM Pun Missionary Jangkholen Mate Commissioning Service hun zang

KUM THUPI

“Na Gam Hing Tung Hen”

— (Mathiu 6:10) —



LYF GHQ A 68veina
Vaihawmna Leh Kiteelna



Bishop Malaysia ah “The
12th Asian Lutheran
International Conference”
va mang

EDITOR:
RT. REV. KHUP DO KHEN,
BISHOP

EDITORIAL BOARD:**Editor**

Rt. Rev. Khup Do Khen Bishop

Mobile: +919612388924

E-mail: khupdokhen@gmail.com

Join Editor:

Rev Suanboi Tungdim, Director of Ministries

Mob: +918837008618

Email: suanboi@gmail.com

Managing Editor:

Pastor M. Kamneithang Zou

Mobile No: +918974609177

E-mail: pastormthangboizou@gmail.com

Contributing Editor:

1. Rev Dr. Hangminthang
Mob: +919612997858
2. Rev. Thangliankham
Mob: +919862830905
3. Rev T. Chinlunmang
Mob: +917630854610
4. Evan. Ginminlun Tawtah
(Youth Promotor)
5. Mr Jangkholen Mate
(Mission Promotor)
6. Nh. Nuamboi
(Women Promotor)
7. Divisional Superintendent teng

Design & Setting:

Upa Khuplajem Guite

Circulation Manager:

Pa Dongzakam

Mob: +919612198903

Upa Tutzamung

Mob: +918731830436

CONTENTS

1. EDITORIAL	: 1
2. MELC VISION STATEMENT	: 2
3. KHRISTIAN LEH SOLKAR	: 3
4. ANTI-CHRIST HIKHAH NA MAH? KIVEL CHIEN IN	: 7
5. SUICIDE: THEISIAM IN...	: 11
6. SERIAL - 2 "CHRISTIAN" MAW "CRUSHTIAN"	: 16
7. MALAYSIA GAM KAVA ZINNA REPORT	: 17
8. HA CHIN A KUM THUPI HILCHETNA	20
9. MISSIONSARY BIOGRAPHY	: 21
10. A GINUM (CHITAH) PASTOR	: 25
11. MISSION COLUMN	: 26
12. LYF COLUMN	: 27
13. MELC INNSUNG THU	: 29

Life Member : ₹ 3000/-**Patron Member** : ₹ 2000/-**Kum Khat lah man:**

- i) Khut ah ₹ 200/-
- ii) Dah ah ₹ 250/-

Article zousie Managing Editor leh Editor kung a pieh ding; ahilouleh, Email in melcqrts@mail.com leh WhatsApp tungtawn a zong piehthei ding ahi. A lahmaan Circulation Manager kung a pieh ding ahi. Tualeh Article kigel zousie Editorte ngaidan ahikim suoh sih hi

Editorial laikung pan



Pasian mapuina zalin MELC in mailam not in kal kisuantou zel hi. Hasatna tuomtuom asunglam leh apulam ah umzing nanleh, Pasian in hasatna tuomtuom te laha pat hing hunkhejel in, amel eilam a hing tansah na lai ziehin Pasian min loupi iphat uhi.

I kipahna mama te zong ilungkhamna hithei a, ilungkhamnate zong ikipahna hing suothei ahi. Biehinn mun leiding, Biehinn bawlding, project tuomtuom a ibuai laitah uh ahi hi. Tambang kawmkal ah hattuum mite kituohtah a kal isuon khawm ding pen itup uh leh eite laha Pasian gam ahing umding pen ilungtup leh lunggel uh ahi hi.

Apostle Paul in, Tita kunga lai ahah na ah tambangin agen hi. Na umna gam Crete tuilaisia gam a mite khu mithada, ann hai, gilpuoh leh ngaisutna tamhetlou neite ahi uhi. Tua ahi ziehin, akihau louding uh, Pasian in atapa Jesu tungtawna hundamna ahing pieh tungtang thu a, kipahzing a aup dinguh ahi chia nahil ding ahi. Kigensiatna, kihuatna, kimudana, kithangsietna, kilungsim bawlana, ki enna, chite nalah ua aum louding ahi chi in hangsan tahin gen in achi hi. Tuama bangin, eisungah zong i hundamna thu ua kipah zing ding leh tahsa silte paikhie a Hagau a iup ding uh ahi.

I bieh Pasian pen Hagau ahi a, abe miten Hagau leh thutah a bieh ding ilaisiangthou in achi ma bangin, Thutah a iup ua, Hagau a ihin ding uh ahi.

Apostle Paul in Rome khopi Thonginn sunga sanggampa Onismius apientha sah ma bangin, sum le pai a buai buai loua, mi ipientha sah dinguh hattuumte mohpuoh ahi hi. Pasian leh Ka hattuum adingin bang ka bawlthei diei chizaw henlen, ka hattuum in bang ahing bawlsah thei diei chilam lungput neida theilei khangtou ding ihi uhi.

Pasian in hattuumte hing mapui in hing umpi chiet ta hen. •

-
1. “Kinemtah a Pasian kung a thum zing mite kungah, Pasian in asep ding uh ahilzel hi” - Robert Murray.

MELC VISION STATEMENT:

1. Vision Statement:

Mangpa Jesu Khrist thupieh tangtun sah a leitung mite khu Ama mel sun ding a suh lamdang ding.

2. Mission Statement:

- i) Khrist gintute, a ginna uh bulphu det sah ding.
- ii) Manipur gam leh apo-lam gam a hagau mangthai man ding mi tamsem sawl khiet leh hattuom tamsem phukhiet ding.
- iii) Hattuom mite tahsa leh hagaulam khantou sah ding.

3. Goal and Object:

- i) Hattuom tampi phukhiet ding.
- ii) Hattuom lamkaite siemna tuomtuom zilsah/sinsah neisah den ding.
- iii) Siemzilna lam hoitah a pat khiet ding.
- iv) Numeite dopsang na ding vaiguon tampi nei ding.
- v) Tuolsung mite sum leh pai tampi alam theina ding tohguon leh mun nei ding.
- vi) Zu leh damdawi khamtheite phungkal a suhmang ding.
- vii) Taga leh kumtam-upa te umna inn siem pi ding.
- viii) Khotang susethei ding teng dou ding.
- ix) HIV/ AIDS sukhah te ki-etkolna ding munpi siem ding.

MELC Brief Statistic:

i) Moderator	: 2
ii) Office staff	: 11
iii) Project leh Development	: 4
iv) Promotors	: 3
v) Pastor	: 23
vi) Evangelist	: 7
vii) Missionaries	: 19

-
2. “Hitui luong a thumna toh kitualou Khantanhoi gen damdai-gamgaw a buchitkeh toh kibang ahi” - D.L. Moody.

viii) Division	: 7
ix) Manipur polam a Hattuom	: 6
x) Hattuom (Khuo)	: 57 leh City Church 3
xi) Sanginn (School)	: 5
xii)Upa Ordain	: 127
xiii) Laisiengthou zil umzat	: 22

Source: MELC Workers' Brochure 2025.

KHRISTIAN LEH SOLKAR

Pastor M. Thangboi Zou

Tangtel: “Michin atunga vaihawm thuneite thuthu in um heh. Azihepen Pasion thu louin koima vaihawm a um sih hi; vaihawm a pangte khu Pasion guot ahi. Tuaziehin koizong vaihawmmi niel pouma Pasion lemguot niel ahi uh, tuabanga niel miten ama u'tungah thukhenna amu ding uhi” (Rom 13: 1-2).

Thumapui: Sawltah Paul in i tangtel a bang pen agennuom ahiei chi mawltah in study ibawl dinga, mihing hinajal a sutkhiel-sutval aum leh Pasion leh simtu zousie kungah na ngaidamna uh ka hing ngen masa hi.

Michin atunga vaihawm thuneite thuthu in um heh (13: 1.a):

Khristianten i kumpite thu iman ding Pasion in ahing sawl ahi. Pasion in amaute thu pesihleh thuneina neilou ding uhi. Pasion in kumpite pen

tam sietna khovel ah zui ding thupieh/ thukham khenkhat toh ikhellou na ding uh hing kemsah hi. Tuate ahileh:

- Kumpite ichi khu Pasion deinabanga Amakhutnuoi a nasemte ahi uhi.
- Pasion in, thudih a nasem

- “Ka umdan in Pasion thu ka gen ding hi”- (L) Missionary Kamzathang.

- ding, akhielte thununna toh sietna adou ding, silhoi a gamtahte a kem ding a akoi ahi (13: 3-4, 1Pet. 2: 13-17).
- c) Paul in kumpite nasep ding dan agen hi. Tuate ahileh:
- i) A sep ding banga asep nonlou leh Pasian in panpi nonlou ding,
- ii) Pasian deilouna banga nna ahing sep u'leh (kumpiten), Khristian ten Pasian deidan izuizaw ding uh ahi.
- iii) Mi deidan zui mai ding hilou (Nasp. 5: 29 cf. Dan. 3: 16-18, 6: 6-10).
- d) I tunga vaihawmte thumpi ding khu Khristiante mopuona ahi hi (1Tim. 2: 1-2).

Pasian thu louin koima vaihawm a um sih hi (13: 1.b):

Hattuom leh Solkar kizopna toh kisai hun sawtpi apan ngaidan kibatlouna ana um tahi. Hattuom leh Solkar kizopna toh kisai a ngaidan chi-4te khu:

- a) **Erastianism:** Solkar in Hattuom athunun ding ahi, chi ngaidan ahi.
- b) **Theocracy:** Hattuom in Solkar a thunei khumzaw ding ahi, a thuneipen ding ahi.
- c) **Constantinianism:** Solkar in Hattuom adeisah dingin, Hattuom in Solkar thu ala/ azui ding ahi.
- d) **Parnership:** Hattuom leh Solkar in Pasian in apieh mopuona kibanglou a nei u'khu kitheipi leh kitheisem ding, khatle-khat pangkhawm ding ahi. Tami khu Sawltah Paul zilsahna toh kinai pen hi.

Vaihawm a pangte khu Pasian guot ahi (13: 1.c):

Rom khopi khu Kumpi vaihawmna munpi ahi. Kumpi Nero vaihawm sung (AD 56-68) in khopi thuneina leh zatathuoina atheichien uhi. Tuabang kawm kal ah Khrist leenggam ah zong khuo-le-tui ahi uhi (Phil. 3: 20, Kol. 1: 13). Vaihawm mite Pasian guot ahina **Daniel**

4. “Khanglai kum 35 nuoilamte khu Nampi, Hattuom leh Khotang adia kinepna ahi” - W. God.

in, “Tungnung sangpen in mihingte leenggam ah vai ahawm a, a ut ut kungah apieh hi” (Dan. 4: 17, 25: 34-35, Late 62: 11). Pasion in vaihawm mite tungtawn in Solkar leh thuneite tungah gingtute (Khristiante) um ding dan leh i lungput ding dan uh Thuhun Tha laibu ah chiengtah in ana giel hi (1Tim. 2: 1-4, Tita 3: 1, 1Pet. 2: 13-17).

Koizong vaihawm mite niel pouma Pasion lemguot niel ahi uhi (13: 2.a):

Vaihawm mite Pasion guot ahiman un amaute thuniel (zui utlou) te Pasion thuniel ahi ding uai? chi ahi. Kum Zabi 19 lai a Hilchetna giel minthang Scottish mi **Robert Haldane** in, “Pasion mite aupna uh Solkar vaihawmte douna khu khelna lienpi, Pasion douna ahi chi a thei ding uh” chin ana giel hi. Laisiengthou sunga lamkai douna leh kalna a gamtat ana ngaikhodan ahileh:

a) Merriam leh Aaron ten Mosi agensietna uh akimu hi (Kisim. 12: 1-12).

b) Nadam leh Abihu ten Maitam a sillat alat u’leh, Mei (fire) in akatum hi (Siempu. 10: 2).

c) Korah, Dathan leh Abiram ten Mosi leh Aaron kaal a agamtat ziehun Lei in avaltum uhi (Kisim. 16: 31-32).

Tuabang a niel mite ama u’tungah thukhenna amu ding uhi (13: 2.b):

Vaihawmte thuniel ten thukhenna amu ding uh chipen Pasion gawtna leh thukhenna hipai sih nanleh, amaute tunga thukhentu ding, silbawlkhiel mite tunga phula ding um, achina ahizaw hi (13: 4). Lei in avaltumte ban ah Siempu 250 te Pasion apat Mei (fire) hing potin akatum sieng uhi (Kisim. 16: 35). Vaihawm mite niel/ sel/ doute’n amau tungah thukhenna amu ding uhi.

Solkar ichi khu mipi hamphatna dinga kisiem ahi. Tawndan nei a khotang hinkhuo venbitna ding in gam solkar khu Pasion guot ahi. Tuabang a nasem

5. “Hun pen Pasion hing pia ahia, Sum-le-pai bou kep siem ding hilou in, i Hunte zong zatsiem ding ahi” – Charles Shedd.

dinga zong guot ahi thou ua, Hattuum a die “*nasemtu*”, innkuon a dinga nasemtu khu “*nu leh pate*” ahi kia leuleu hi. Khotang leh gamsung ki etkawlna dinga Pasion in Solkar asiem a, amauten bawl dia kilawm abawl dih theina ding un gingtuten solkar khu ihanthawn ding uh ahizaw hi. Amaute thupi a, athu uh ngaikho ding ahizaw hi.

Solkar in zong guot a um hinang chi a, Pasion lemguot bang lou a Pasion huot leh deilou silte ahing sep ua ahing bawl uleh, alampiel ahi uhi. Tuami Solkar ah Gingtute kitulut theilou ding uhi. Tualeh, Solkar ichi khu dihtat tah a vaihawm ding leh migiloute agawt ding ua, hinanleh midihte ding leh peidah dihtah peipi dinga Pasion in amaute aguat ahi chi gingtuten ithei ding uh ahi hi.

Ahinlah, tulai Solkar nasem tampi (adia gingtute) aseping bangtah asem umlou, dihtatna kichi umlou, amau uh mimal hamphatna ding

ngen a sem atamta ziehin, i gam solkar khu belta leh muonta nonlou asuo hi. Gingu solkar a nasemten Pasion in tami mun apat Pasion hoina semkhe dinga ahing guot ahi chi hing kimang hil vawt sih un.

Akhupsitna: Pasion guotlou in koima vaihawm a pang theilou, nanleh vaihawm khen khatten aguatpa lungdei banga vaihawm lou Kumpi, Hattuum lamkai tulai in muthei ding atam mama tahi. Vaihawmtu in Pasion deilou bangtah a vaihawmna ahing nei chieng ua, Khristianten zui ding hilou in, Pasion deina dihpén izuizaw ding uh ahi.

Khristian kumpi nasem a vaihawmten ithei ding ua ka dei ahileh, i lamkaipa'n (Kumpi pa) Pasion leh Bible toh kitualou a gam sunga vaihawmna ahing nei leh hangsan tah a doungam ngai ahi, tuate dou dinga mipite thakhel a Pasion in nang ahing tung ding ahi chi kimanghil vawt sin.

-
6. “I gam in lemna a dei a, mipite'n zong idei chiet ua, i solkar ten zong adei a, na Presidentpa un zong ka dei hi, thamlou in melmate nasan in zong adei a, bang dinga

Adoutu dingten, ahoilouna akigenna ding mun ah agen dingten ahing get/ ahing dou ngamlou chiengun mipiten bang chituh in kiphinna nei u'leh zong aphattuomna umlou ding ahi hi. **Thupil** khat in, “*Silhoi khat zong aki genna ding munlou a akigen leh tuami silhoi hituonlou*

hi” achi bang in, agendia lawmten na hing getngam chiengun, mi nautang ten agen sangun Solkar lungsim sukhha in sepdia kilawm lou ahileh kistem khe thei tuanlou hi.

Mangpa Pasion in atheisiem chiet dingin simtu zousie hing guolzawl chiet taken. •

ANTI-CHRIST HIKHAH NA MAH? KIVEL CHIEN IN

Anti-christ (Khrist doudalpa) chi thumal Bible Thuhun Lui (O.T.) ah mukha ahi sih hi. Thuhun Tha (N.T.) ah mun li (4 times) ah akimu hi (1Jn. 2: 18, 2: 22, 1Jn 3 leh 2Jn. 7). Anti-christ min Thuhun Lui a umlouna zieh ahileh, Thuhun Lui ah Khrist (Christ) chi min auplou zieh ahi. Thuhun Tha ah a Khrist chi min ahing umtah zieh in, Khrist doudalpa (Anti-christ chi min hing um thei hi). Kum tampi apeita a Pa, Tapa leh Hagau Siengthou (Trinity) ana umta a, adoudaltu zong ana um hi. Tua doudaltu in mihing tung a anasep masat napen khu Aden huon a Adam leh Evi a solna ahi a, tunitan leh leitung beidong in aum den ding ahita hi.

Pa Pasion, Tapa Pasion leh Hagau Siengthou khat ahi chin Bible in ang hing hildan ahi. Tua ahitaleh, melmapa Setan khu Anti-God, Anti-christ, Anti-Spirit china ahi. Thuhun Tha hun a Anti-christ chi a

um sese na zieh ahileh, Khrist chi minpua mi khat a um zieh ahi hi. Pa, Tapa leh Hagau Siengthou aunpia adeidan u'leh deilou dan uh a kibang a, ahuot u'leh a it uh zong akibang hi. Khentuom thei

lemna deichiet kilem suhmai ding hinapi a, kilemthei lou ihi uai” – US President Jackson.

asih sih hi. tuaziehin, Pasion in a deidan teng leh adeilou dan teng a Tapa tungtawn in mihingte kung ah ahing theisahta, a Bible ah imu hi.

Tu huna leitung pilna leh siemna bangchituh a changkang ei, chi tamlou I en khawm ding hi, anuoi ah:

i) Test-tube baby: Kum 1970 vel akipan in Scientist ten numei leh pasal kipolna panglou in, numei chii leh pasal chii lakhie in bawmkhat sung ah gawnkhawm ua, naungeh a piengsah uhi. Tuakhu Taste-tube baby achi ua, kum 1978 in US ah taste-tube baby lakh 1 umta hi. Science a masawanna leh lawchinna thupitah a bang. Hinanleh, Pasion thu toh kikal hi (Siem. 1; 20), Pasion in Adam leh Evi kung ah tambang in agen hi, “Chii tamtah suong in hing pung unlen, leitung luodim unlen, na thu thu un umсах un” (Siem. 1: 28). Pasion deidan ahileh, Adam leh Evi kipol ding, tate nei ding ua, a tate un zong tate neisawn ding, numei leh pasal kipol zieh a tate um ding chi ahi hi.

ii) Pasal in naupai: Prof.

Jerome Leguane, Birmingham University in, pasal gilsung ah naubu koi in kum 2008 in Mr Thomas Beatie kum 34 in tanu hinkhie hi. Pasion deidan in numei in nau apaai ding chi ahizieh in, numei sung bou ah naubu um a pasal in naupai ngeilou hi.

iii) Cloning: Kum 1996 in scientiest ten belum 1 abawltawm ua, mihing zong bawltawm ahidan uh agen uhi. America President Geroqe W. Bush kung ah mihing bawl phalna ngen uh a, hinanleh, Bush in Cloning kichi Pasion dan (Bible leh US dan kal ahi, chiin phallou hi). Ana phalsah hita mai leh Pasion bawl hilou mihing bangza ahiei umta maithei hi.

iv) Zong (monkey) in mihing ta nei: Scientist siemten Zong naubu sung ah pasal chii (sperm) kaplut ua 1984 in ta neisah uhi.

v) Computer: Kum 1830 in Computer mukhiet ahi. kum 1960 in Microchips kizang pan a, tuchieng in US ah second 1 sung in nna chi tuomtuom 3, 60, 00, 000 semkhe thei

7. “Jesu’n ama nuazui dia mi ahat chiengin Ama min a shingam, gentheina tuoh ngam dia ahat ahi” - Dietrich Bonhoeffer.

hi. sil langdampipi mang (dream) a zong matpha hilou tampi semkhie uhi. Tulai in internet, cellphone, mobile phone tungtawn in leitung a sil umte ahoi leh hoilou muthei sieng in aum tahi. A hoilam a khophawhna sang in, ahoilou lam a khophawhna hatzaw tham hi.

vi) **Television (TV):** Kum 1996 in Rev Dr Billy Graham Crusade bawl pen Ham (language) 42 a lekhiat TV a hakhiat hi a, gam 160 bang in a thugen ngaikhie uhi. Ahuchi laiin Pastor zi khat in, TV ah advertisement a muzieh in Bacardi zu dawn khalo hi. Tuami guoh hilou in, TV Program ahi ziehin hindan siengthou lou, hiam-ngamna leh gutatna uang dia mama chi in misiemten gen uhi.

vii) **Sex for Fun:** America a sex education specelist khat gendan in, kum 2050 chieng in, mi zousie in bawl ding tahtah kinei tading a, human cloning, test-tube baby leh pasal naupaai te pung mama ding ahi ziehin, sex khu kingainep mama ta chi-in ana gen hi.

Atung a igente khu mihing theina leh siemna akipan a silpieng ngen ahi chi i thei hi. Ahileh, tuabang a pilna petu kho koi ata diei chi ngaitua tham ahi. Tuabang theinate Pasion pieh ahi chipei sin, Setan in mihingte ngaituana lamdangtah in suhat in thunei khum (control) thei hi. Eden huon a Evi in amu zing theiga neh asawm ngailou, adu ngeilou zong dusah zou hi. Tuami ziehin, siemna, pilnate Pasion a hing kipan ahi chi adihkim lou thei hi. Siemna pilna akipan a sil bawlkhiette in Pasion deidan (Bible thu) akal leh kallou akipan chet diing ahoipen ding hi.

Anti-christ thu ah nuakia kia vai, Khrist huotte Pasion in huo a, Hagau Siengthou in zong a huo hi. Anti-christ (setan) abultung a kipan in leitung a mihingte lah ah nasem in tha-it mama hi. Mihingte civilization toh kituo in a nasepdan tuom hi. Thuhun Lui (O.T.) hun ah tulai banga scientific masawanna umlou hi. Tua hun laiin style tuomdeu in nna a sem ua, huhamtah a

8. “Puitu (leaders) khu tup khat nei dinga, mipite huoikhawm thei a, suhdettu ahi” – Lord Montgomery.

kithana bang, dangka deina bang, numei-pasal kal a thanghuoina/ thangtatna bang leh pasal leh pasal kipolna (homosexuality) bang in nna sem hi. Tulai banglou tah in pasalten zi tampipi a nei ua, Abraham nangawn in zi thum anei hi. Kumpi Solomon in zi 1000 nei tazen hi! Tambang a gamtatnate khu Pasion lemsahna hisuolou ahidan Kumpi Solomon tungtang ah ithei hi. Khuo thupi mama Sodom mite a gitlouna uh sang (hight) mama a, Bible a imudan in pasal leh pasal ki-etlahna (kipolna) nasa mama hi, a umdan uh Pasion in zada/ deilou in, Abraham kung ah Sodom halsawm ahidan thu gen hi. Sodom kihal louna dingin khopi akipat mi 4 (1%) aup ding chi hinapi'n muzaw in aum sih hi. Tuabang in, itenna gam Lamka khopi ah Pasion ngai in mi dihtat percent bangza i um ding uai, Sodom khopi sung a midihtat percent sangin Lamka khopi ah midihtat percent asang zaw ding hi ichi ngam ding uai mah?

Tua Anti-christ ichi chi zong tunung a hing um ding Nos 666 ichite a umsaktu kibang ahi. Thuhun Tha (N.T.) laibu ah Lungsiet Johan in alaiha (epistle) a agel lai (AD 90) in zong Anti-christ tampi umta chi ana gen hi. Jesu Khrist deidan zuilou teng milien, mineu, azawng ahau, apil, amawl, numei, pasal khentuom umlou in Anti-christ (Khrist doudalpa) ihi suo mai ding hi. Ahileh, Khrist doudalpa bang chi theithei ding adiei? Khrist deilou leh huotte khu angkawmna, kingaina thanghuoina, huasanna, milim biehna, bumna, huotna, kihauna, hazatna, lungthahna, huoihamna, kikhen tuomna, tualthana, zu khawmna, zukham buoi a guolnop chite bang ahi. Tambang bawlte chingten Pasion gam aluosih ding uhi (Gal. 5: 19-21).

Doulian Hangzo, "Anti-christ hizawzen na mah? Kivel chien in." edited by Miss Dimzangai, Ruth Messenger, January-February 2014 apat lekhet ahi by Managing Editor. •

-
9. "Puitu khu lampi thei, a pei masa a ama nuazui ding a midangte makaitheitu ahi" – Dr John R. Mott.

SUICIDE: THE ISLAM IN, DOUDAL VAI

Chingngaihlian Tunglut

January Issue ban zopna...

Suicide sepsuo dih lungput a neite bangchi thei ding e?

Hamdan ah:

- i) Shina leh shidan toh kisai thute bang genen.
- ii) Thuohgim leh silpuo hasa sah zieh a hin peihuoi nonlou asahdan thute genen
- iii) Lamet dih umlou, phatuomna nei kisahlou a hin pei huoi sah nonlou a kithei, thangpaina thute leh mi a dia puohgih guontu mai a kingaituan thute bang genen.

Umdan ah:

- i) Shi dia ngaituana (plan) Shina toh kisai internet vel a suut/ en en ahilou leh koi ahiei kung a dong.
- ii) Lawm-le-gual toh kipawl ut nonlou, kidangkoi, mangpha hahna hah bang nei/ bawl, ama mimal van deite zong midangte pia,

ban ah, a shi nua chieng ding vai bang sai.

iii) Zauna thei ding silte bawl.

Etsahnan: Gari hat deudeu a tawl, liemna/shina tua ding zong khoh salou hileh kilawm a gamtang/ khosa.

iv) Mood swings, huai chu mood fuhlou tah a a-umlou kal a mood fuhbang a um. Akhen chieng a phe velvul, akhenchieng a nguitah a um.

v) Nehdan kiheng; Ngeinadan bang lou tah a sil/ann tampipi ne ahilou leh tawmnou ne, ahilou leh neh ngailou, imutdan kiheng in imu theilou.

vi) Zu leh khamthei bawl ngailou napia bawlsuh gop, abawl masang sang a uang zaw in a bawl hi.

Suicide khenkhat, a tah a

10. "Pasian in mipi ahoiloute/ thumangloute a gawt nuom chiengin, lamkai hoilou apezel hi" – Dr Ironside.

amuolsuo ma ni bangzat ahiei bang mood fuh leh thovengtah dan bang a kilang hi. Ahinna uh toh kitua a, a hamsatna uleh gimthuohna ua pat suota tadia kikoina anei zieh uh ahi.

Suicide bangchi doudal diing?

Suicide a mulkim huoi tah shina tam nanleh adoudal dingdan zong um tham hi.

- i) Mimal tah a pan ilatheidan ahieh, ikimipamainnveng/ innkuon te ahiei, lawm-le-guolte lah ah ngaikho vai. Suicide lungput neite haamdan leh umdan bang thei vai, tuadan a mi ahing um Chieng un ana phoh lei, panlapi dan hing um ding ahi.
- ii) Koi ahiei khat tamdan lungsim puo a itheile, amau tang a umsahlou ding, amau leh amau kitha theinadia vanzat, hiamzat silte hepkihiet a, mun bit a umsa ding. A hasatna uh ngaikhiat a hanthawn leh thumsahna neisah ding. Ngaisah a ve mun mun ding, hunnuom

zatpi dia muntuom a puikhiet ding ahi.

- iii) Minsietna (stigma) lien seng ahizieh a, houlimna vantang bang ah Mental illness chi sil umthei ahidan, kepdam thei ahidan leh suicide lungput neina apat suotatthei ahidante bang genlang zel in lametna kipetua ding ihi uhi. Lungsim damlouna hi'n suicide lungput toh kisai itheisiem leh ei mimal mama in inatuakha (experience) leh mukhiet dante bang genkhe zel lei, tuabang tuakhah lellelte a dia panpina pia kisuak diing hi. A phatuam di zawng houlimna leh genkhiak tam pen, lungsim natna apan damkhietna di leh suicide doudalna dia panlana thupitah ahi.
- iv) Ei hi'n mi hitale uh, Lungsim Natna i nei leh, kepdam thei ahi chi thei a, panpina suipi ding zau (fear) votlou ding ahi. Hinkhuo hamsatah

-
11. "Pasian Tapa (Jesu Khrist) khu mihing tapa ahing hi a, tuami ziehin mihingte khu Pasian Tapa ihing hithei uhi" – C. S. Lewis.

ah mulkimhuoi pipi tua ihmán un, lungsim a natna leh bana neite'n panpina sui zumna leh hatlouna a koi vawtlou ding uh ahi. Tahsa a i nat chieng un, innsung a i kep damdawite i kine sah ua, huchia a phat thei lou le, doctor iva nai dan toh kibang thou ahi. Ei leh ei a ikikep dam zou loule, panpina sui khosahlou ding ahi.

- v) Apaimawdan a psychiatrist va nai diing ahi kawmkawm in, Khristian i hizieh tah un, Laisiengthou pansan Counselor muanhuai, ahilouleh Pastorte i va nai teitei diing uh i poimaw chieng in panpina la in, midangte zong kawmu teitei vai.
- vi) Suicide doudalna di'n, khotaang (school, college leh community centre) ah Suicide leh Mental Illness toh kisai tangkouna (awareness) avangkim a sai zel diing ahi.
- vii) Hattuomte'n zong suicide doudalna ah mohpuana

nei i hidan thei tha vai. Hattuom mite lah ah suicide a shina tungzel ahidan thei tha in, Mangpa'n mopuohna ahing pieh Khrist Hattuom ikikepna ah Mental Health leh Suicide wareness chite isai zel ding uh ahi hi.

Theidia poimaw: Koi ahiei in suicide lungput anei khah chiengin, support system (innkuon ahiei, lawm-le-guol ahiei, ama theisientah a panpina pethei) anei hoi uleh, va tahsuo khollou uhi.

Khristiante adia suicide etdan tha:

Khristian khotaang i hizieh tah un, mani kithana leh lungsim damlouna i etdan uh, i gendan uleh leh i maituadan uh pahtathuai votlou hi. Gimthuohte, gentheite leh panpi ngaite tung a itna, hepina leh migitna suah dia Bible in hing hil lou hileh kilawmtah in!

Khristian i hizieh tah un Pasion thu pansan a suicide leh lungsim damlounate zong i et ding uh ahi. Suicide

12. "Khrist ginna khu kidozawna zieh a muonna, lungnatna mun ah hamuonna, hatlouna mun ah hatna, mielna akipat vahna ang pezel hi" – Walter A. Maier.

lungput i chi puasesa khovel ah bei ngeilou diing ahina ah, Khrist ah lametna um ahidan i kikawmu diing uh ahi. Beidong kisahna leh beidonna zieh a ki ngaisietna lungput nei zieh a hin ningkitelna chite umthei ahidan ipom ding uh ahi. Hinanleh, i lungsim a shi utna umzieh a mani deiteelna zang a, va sepkhiet di hi votlou zel ahi. Hinna hing petu Pasion ahiman in, i hinna pen ei mimal deiteelna neikhum a suhse dia phalna Mangpa'n hing pe votlou zel ahi.

Etsahna 1 na:

Thugenpa 2:17 ah, Kumpi Solomon in “Hinna ka huo” bang ana chi zawzen hi. Khovel a pilpen leh Hausapen, leh nopna chinteng ana chiamkha hinanleh, tambang a hin ningkitelna ana thei mama hi. Kumpi Solomon thukhupsitna bang lungput inei zaw di uh ahi “Thu pumpi khupsinna ingaikhe ding uh; Pasion giing inlen, athupiehte zuiin, Aziehpem tami mihingte bawl ding

mawng ahi” (Thugenpa 12:13) ana chi hi.

Etsahna 2 na:

Jonah in Jonah 3: 3-4 ah nivei tah, “Kei di'n hin sa'ng in shi a hoi zaw,” ana chi hi. Ninevi khomite khelna/gitlouna manghil guol hinonlou asah zieh in in amaute kisia a Ama lam a kihei kei sih uleh, suh mangthai diing ahidan thu va puangza di'n Jonah sawl hi. Jonah in Pasion' sawlna huphul seng ahiman in, tuabang kampau ana zang hiel hi. Ninevi khuo ah a hawding utvotlou hinapi'n Pasion in, Jonah ana sawl ma bang in, eite'n zong i hinkhuo uah uthuai votlou sil i tuate uh Mangpa'n Ama lemgel toh kitua a, ahing phalsah ngen ahi. Jonah in zong, Pasion thu a man bang in, en zong, Mangpa lam nga in Ama thumanna mah ah panla lei, abawl dingdan hing um nading hi. Late 46:1 in ahing hil mabang in, “Pasion iki humbitna leh i hatna, mangbat lai a hing panpi paipai, nai ngitngat ahi.”

-
13. “Pasion ang ah na kiphuon leh ngaidam namu dinga, mihing ang ah na kiphuon leh mi nuisatna na tang ding hi” – Jose Billings.

Etsahna 3 na:

Sawltah Paul ngei inzong hin hasa asak thu 2 Kor. 1:8 ah ana gen hi; Asia gam a gimthuohna napitah, thuohzoh guallou a, hin himhim zong lamen lou khop hiel a dengdel a muh ahilam ana gen hi. Hinanleh, a hasatna a genma in, 2 Kor. 1:3 ah Pasion ana phat masa a, hepina leh hamuanna Pa ahidan ana puongza hi.

Akhupsitna: Mihing hina ah, hun hasa i tua chieng un, shi utna leh hin ningkitelna lungput nei khathei ma ahi. Hinanleh, tua gentenate bang a, Pasion thu ma pansan a dawnna i pia zel diing uh ahi.

Gimthuohna leh hamsatna i chi mi zousie in athuoh uh hinanleh, gingtute adia athawn a thuoh kihilou ahi. Mangpa'n thuoh ding ahing phalte Ama thupina di leh Ama bat sem nadia i Khanna dia hing guolzawl sah zel hi (Rom 5:3-5, 8:28-29). I gimthuohnate ah Ama pho kawm i hileh, Ama min zieh a i thuoh muolsuo na in, Van ah gou khawlkhawmna zong hing hipai ngal ding hi

(Phil. 1: 29, 1 Peter 4:12-19, Mt. 6:19-21).

Mangbat hun leh gimthuoh hun tuazel i himan un, tuabang hunte ah mani hinna kila utna lungput nei chi umthei ma ahi. Hinanleh Hebru 4:15-16 a i muh mabang un, ei dinmun a kibultua thei Siampu Lienpen, Jesu Khrist nei i himan un, i hatlou chieng un, kisuangla votlou in, A panpina ngen in A hepina mangtoupna inai ding uh ahi.

Tuaban ah, i kimvel a, lungsim a tuabang a hamsatna tua ithei chiengun, thu khen khum paipai lou in, Pasion hing ma bangin itna toh pan kilapi zaw koipou iki chiel in ikihasot uhi. Bible hing zilsah bang in, "Na innvengte uh it un, na puohgihte uh kidawn tua chiet un, Nou sang in mi a enzaw un, Nou sangin mi ngai poimaw zaw un, a date dapi un, kithumpi tua chiet un" chite izuina uh hing kipai ding ahi.

Mangpa'n a thu zangkhe thei zel di'n simtu zousie Jesu Khrist in hing guolzawl chiet taken, Amen. **BEITA** •

-
14. "Pasion kungah thupha tawi in, i hinkho lui nusie in, ahing tung ding ah kinepna nei pum in pilvang tahn kalsuon vai" – William Shakespear.

SERIAL-2

“CHRISTIAN” MAW “CRUSHTIAN”?

“**Christian**” ichi chiengin, “*Khrist umdan zuite*” china ahi. Tua khu, “*midangte adia hing leh midangte tungding, awlmoh leh panpi*” chin ahi. “**Crushtian**” ichi chiengin, “*Palestiantie umdan zuite*” china ahi. Tua khu, “*mahni a dih kisah a hing leh midangte nenggiem, simmaw leh nelsie*” china ahi.

Masanglai in Teirawl khat toh ka kihoulim uhi. Tua teirawlpa mahileh shi dih ngah a lupna a um ahi. Hun bangza vei ahiee ka zatpi man ua, tuachi’n hing shi hi. Ka kihou un thu tuomtuom ka gen ua, tuana ahing gente lah a ka lungsim hing khoi mama khat ahileh, “*Khatvei biehin ah ka kikhop leh, lamkaite khatin tampa na hing kikhom vanglah a bangtan ang dai diei maw? ahing chi khum a, kei zong thangpai kisah in tuania kipat ka kikhawm non sih hi.*” tuami ahing getlai in, “*Tua hunlai in haguulam ah zong ana kinaupang nalai seng adiei maw, ka ngaitua kia leh, kei kikhop lou pen keima a vangsie kana himai hi,*” a hing chi belap a, ka hasiet tha bang asuo hi. Tuana lamkaipa’n kamsua kilawm ana zang leh tua teirawlpa zong dam nalai maithei ding hia chi ahing ngaitua sah a, poi kasa mama hi.

Tua a kamsua in kei mama zong hing ki entha sah hi. ka innsung ah, ka lawm ka guolte lah ah, ka khanglaipite lah ah ka umdan, bang chi bang hamkam sua kana zang kha zel de aw chi bang ahing ngaitua sah mama hi.

Pasian leenggam kedia ikisah

lai in zong theipina nna isep lai-in, a tungding hi imah? Ahilou leh, asuse tu imah chi ke enpha vai. Na kamsua in mi a hingsah thei a, a shi sah thei hi.

Midangte toh ikisaikhana ah Pasian zong kisuhkha gige china ahi. Jesu Khrist mama

15. “*Khristian biehma a apoimaw thum (3) ahileh (i) Kingaangiemna (ii) Kingaangiemna (iii) Kingngeiman ahi*” – St. Augustine.

in zong puana ding bawltu a pankha khu anan zada ahi ngei dinga, a nuazuite kungah tam thu ana gen hi. “*Tam mi neute laha khat apuasah sangin angawng ah bu hehna suongsum awсахin tuipi sungah kipailut leh ama a dingin ahoizaw ding hi*” (Luk 17: 2).

Sawltah Paul in 1Kor. 10: 32-33 ah, “*Judate ahiei, Greekte ahiei, ahisihleh Pasian hattuomte hitaleh apuana dingun bangma bawl sih un. Ken sil bangkim ka bawlна ah, mi zousie lungkim sah ding ka tup bangin, keima phattuomna*

ding guoh suilou in, hundam ahi theina dingun, mi tampite phattuomna ding ka sui zaw hi” chin ana gen hi.

Mangpa Jesu Khrist in mikhielte sui ding leh hundam ding leh suhdam dingin a hing pei hi. alelam ah, Setan khu gu ding leh suhse ding leh bawlse ding in ahing pei hi. ahileh, nang hoila zuikha in na kithei ei, Jesu Khrist maw or Setan? **Are you a Christian or Crushtian??**

Mangpa'n hing guolzawl chiet taken. •

T. Vungmuanlal, “Christian maw Crushtian”? edited by Tualsonding Hangzo, Khristian Lungput Thaksak Thukup KALBI, 2022. Pages 94-95 apat lekhiet ahi by Managing Editor.

MALAYSIA GAM KAVA ZINNA REPORT

By Bishop

Asian Lutheran International Conference ahi a, Evangelical Lutheran Church In America te vaisaina nuaia kibawl zel khawmpi khat ahi hi. Kum ni hal a kibawl jel jel khawmpi ahi a, Asia gambup sunga independent gam tuom



16. “Mani nasepna a lungkim tah a um theite khu Leeng te toh kibang ahi” – John D. Rockefeller.

tuom a um Lutheran te khawmpi ahi deu pen hi. Tutung kava Khawmpi man na mun uh pen Kota Kinabalu khopi ahi a, Malaysia gamsung khopite laha alianpen khat ahi hi. New Delhi khopi a, Indira Gandhi International Airport apatsa in naikal 5 vel ka len nua un, Malaysia gam capital Kuala Lumpur ka tung uhi. Kuala Lumpur apatsain dahkal 2 valdeu ka leng kia ua, tuachiin, ka khawmpi man na ding mun uh, Kota Kinabalu khopi ka tung ta uhi.

Ka tunna Hotel uh pen, khumi khopi sunga Hotel nuam, lian leh kining ching pen khat ahi hi. Ka tunna mun Hotel uh pen KLAGAN HOTEL akichi hi. A hotel sungmai a honggamman thei ahi. A sawng 10 na room 1017 na sungah kei leh Bodo Evangelical Lutheran Church te Bishop, Ichhak Mushary ka tung khawm uhi. Thugen minthang mama, khumi gama Lutheran te'n ana zah zel zel te un, Pasion thugenna ahing nei uhi. Thugen tangpite khu China mi leh Malay mi ma ahi uhi. Tami khawmpi khu, America a um Asia gamsung gamtuom tuom a mite ahing tam pei pen uhi.

Khawmpi manga hing peite khu Malaysia, Philippines, Thailand, Laos, Myanmar, India, Taiwan, China, Taipei, Macau, Hongkong, Singapore,

UAE, Japan, Indonesia, Vietnam, Cambodia leh North America a um Asia gam tuom tuom a mite leh Middle East kipan mituom tuom ahi tangpi hi. Pasion thugenna pen Seminarian te leh agamkaia Bishop minthang mama Pasion mizah te'n, anei uhi. Tuabanah tulai leitung bup in abuaipi topic tuom tuomte leh Transgender, LGBT, Gender Justice, Contemporary Worship leh ikam a thupot leh I awsuohte Pasion in azah di chite tawh kisai Seminar akiniei a, Hattuom lamkai hing peikhawmte zousie in zong sharing akinei chiet hi. January 19, 2025 Pasianni in Kota Kinabalu khopi huopsunga Chinese leh Malay te kikhawpna Biehinn a Sunday Worship Service ah Pasion thugenna zong kava nei hi. Lutheran te tawndan a Revised

-
17. "I dei khat Pasion min a inuasiet hun chiah a mang (lose) dan in ikigel zel ua, hinanleh, tuami khu punna ahizaw hi" – S.I. McMillen.

Common Lectionary in apieh Laisiangthou bung le tangte pansan a Sermon bawldinga ngetna aup dungzuiin, ka va bawlthei hi. Hattuumte hing thumpina zalin Pasian panpina kava tang mama hi.

Ka va khawmpi man na a, Challenging kasha mamate tamlou: Rev. Bimon Limpong pen Indonesia mi ahi. Piandan leh mellepuama et in simmaw huai mama hi. Hinanleh America a Kentucky Khopia Mikang te laha Pastor a pang ahi. Ama toh ka kihoulim na uah, America khopi tuom tuom ah ei singtangmi Hotel, Mall, Vanzuohna tuom tuom, Petrol pump leh Car zuohna vel ah sepna lianpi pi nei aki um hi. Leitungpumpi abawlpa ibieh Pasian in, Leitunga gamkhangtoute tawh tanbang kikim dinga eite zong ahing bawl ahi achi hi.

Japan Nungah Myo in a Seminar lahna a Contemporary Issues of the World leh Early Church Christians and Apostle Paul chite thu ahing sut pen

challenging mama hi.

Cambodia leh Laos leh Myanmar a um Lutherante Age 17-24 kikal mi Young Adults min a khawmpi hing mangten, ama uh ham chiet la ahing pui uh.(This is the Day) pen etton huai thei mama uh.

Khawmpi tawpni a ka hing peini un, Kota Kinabalu apatsa kahing kipatkhiehna dinguh Vanleng technical failure ziehin naikal khat ding vel ahing zekaia, tuaziehin Kuala Lumpur apat Delhi tan ka vanlen tuanna ding uah ka lap tasih uhi. Tuaguoh hilouin, Delhi apat Aizawl tan zong kipel sawn sawn hi.Pasian lungsietna toh Malaysian Airlines te felna zal in bangma buaina umvot louin, ka hing pei suoh thei uhi. Lengpui Airport apat Lamka tan nidanga naikal 18 bang lutzel hinan leh tulai in lampi ana hoideu tah ziehin, naikal 12 vel in Lamka kitung theita hi. Nisim January 11, 2025 apatsa inn apatsa kuan khie ka hi ua, nisim 24 January 2025 zingmawng nai 5:30 vel in inn ka hing tung thei uhi. Mangpa min phat in umta hen. •

18. “Kipah zing theine khu Pasian in hing musing in, ang hepi zing hi chi theine ahi” – J. Hudson Taylor.

HA CHIN A KUM THUPI HILCHETNA

“Na Gam Hing Tung Hen” (*Mathiu 6: 10*).

Retd. Rev Dr. Hangminthang, *Former Bishop*

FEBRUARY HA:

Thupi: Pasion gam tunna mite khu koite e?

Rom. 14: 17 “Pasion gam khu neh-le-dawn thu ahisih a, Hagau Siengthou a dihtatna, kituohna leh kipaahna ahizaw hi”.

Gingtu khat kichi ngal a, Hagau Siengthou zal a dihtatna, kituohna leh kipaahna nei theilou mi khu, ama ah Pasion gam tung nailou china ahi. I pienken invang koima adihtat, akituoh ki-um senglou hi. Hinanleh Hagau Siengthou zal a, khum hoina (quality) te khu inei diing uhi.

Pasion gam tunna mite khu:

- i) Mangpa Jesu Mang leh Hundampa a sangte khu ahi.
- ii) Pasion gam leh adihtatna suite (Mt. 6: 33).
- iii) Kisia a Vangam thu tangkoute (Mt. 4: 17).
- iv) Pasion gantate ahi (Jn. 14: 1).
- v) Kisia a khantanhoi gingtate ahi (Mak 1: 15).

MARCH HA:

Thupi: Pasion gam tunna mite khu

Rom 8: 16 “Hagau ngel in, eima hagau toh Pasion tate ihi chi ahing theisah hi.”

Pasion gam tunna mite khu “Pasion ta” ahina kitheichiente ahi uhi. Tami in age nut khu “Hundamna kitheichien” china ahia; “Piangtha kitheichien” china ahi. Hundam tate sung chilou ngal ah, “Pasion atung theusih hi.”

Hundamna kitheichien ichite khu:

- i) Mi piengthaten shi hamuonna anei thei uhi (Kol. 2: 2).
- ii) Koipou Thutah zui mi zousie’n hinna tha anei uhi (Jn. 5: 24).

19. “Nang leh nang kithei chien in” – Socrates.

- iii) Mi piengthate Pasion deidan in aum uhi (1Jn. 3: 2).
 iv) Lungtang tha nei a, a sunga Hagau tha nei mite khu ahi (Ezek. 36: 26).
 v) Thutah thei a, a hundamna khantanhoi zate khu ahi (Ephe. 1: 13). •

MISSIONARY BIOGRAPHY COLUMN

JOHN ELIOT (1604-1690)

“India mite Sawltah”.

Pastor M. Thangboi Zou

Thumapui: *“Sia (iron) in sia ma atat hiem hi”*

Akichi bangin, Pasion mizatte tanchin in Pasion nuazuite hinkhuo asuh hat bangin, tu Ha akipat Hattuum mite’n Pasion gam nasepna i ngaikho sem theina dingun **Missionaryte Tangchin** ka hing hap be hi, simtu zousie Pasion in Manggam nasepna amasawn theina dia pan theina bangchiet a pan utna lungsim nei chietdin hing guolzawl chiet taken.



JOHN ELIOT HINKHUO MASA:

Apeisa kum AD 1604 in England gam a Hertfordshire mun ah John Eliot khu anapieng hi. Apa ahileh Anglican Hattuum ahia, lou nnasem a nehsui a azi leh tate enkawltu mi khat ahi hi. Eliot in Hanna Mumford toh akiteng a, ta 6 anei hi (Ta

pasal-5 leh numei-1 ahi hi). Atanu Hanna khu Habakkuk Glover toh akitenga, atapa John Eliot Jr. khu Newton a Church of Christe pastor masapen ahia, tualeh atapa Joseph Eliot khu Guilford a pastor in apang hi. Khuleh atapa khat Jared Eliot khu Agricultural writer leh pastor nna asem hi. AD 1622 in Eliot

20. “Hasatna na tuate ziehin kipahtu gen in, tuami’n ahing khanglien sah ding hi” – Edition J. Homer

in Cambridge University ah “*Jesus Collage*” a BA ana zou hi. Tuachin, Chelmsford kunga a um “*Little Buddow*” Sanginn a Rev Thomas Hooker in ahonna ah sangsye nna asem hi. England gam a Siampu khat hi diing in Namdet (ordained) in ahing umta hi. Tuazou akumkie in England gam nusie in, khovel Missionary kuon diing ahing lunglut ta hi. Tuachin, AD 1613 kum in ahing kipankhie tahi. America gam ah ahing kuonta a, tauchin Roxbury khopi a hattuumte lamkai leh mapuitu khat hi diingin guot in aum ngal a, tuonah ashitan a semden diing a guot in aum hi. Hinanleh John Eliot pen Red India mite kunga Khantanhoi thupha genzah diing a ut mama hi. Tuachie ahinkhuo atop-le-ngim suhtang tung nadingin hun bangtan ahiei nuoh in India gam adin ahing kipan khie tahi. India gam ahingtun in inn vena chite ahing nei a, Pasian thutah zong ahing genthei tahi. Red India kichi mite lah ah a hoina diing uleh

phattuompi diing uh nna tampi ahingsem tahi.

JOHN ELIOT NNASEP DAN:

John Eliot in AD 1646 kum in “Pequot” mite lah a Pasian thugenna masapen ahing nei theita hi. Red India miten Khantanhoi akipahpi ua, sang theidie mansa a um theiman un a nnasepna ah alawching mama hi. Pasian in azang a, tuachin India mi tampiten Kumtawn hinna (piengtha) ahing nei theita ua, amaute khu India mite adie thumpawlte chie theiin aum uhi. Eliot nnasep thupipen ahileh Protestant Hattuumte’n atheipi ua, apompi pai uhi. Mun tuomtuom leh gam tuomtuom akipan a Pasian nna sepna panpina leh kithuopina sum-le-pai tampi amu a, thamlou in nih-le-von tampi zong panpina dan in amu hi. Tua sum-le-pai amute akipan in Eliot in India mite diing khuolna in Sanginn (School) ahing hong a, mite siemna azilsah hi. A nnasepnate

21. “Mi tampi’n ginna atasap zieh un a thuoh loh uhi” – S.S. Ramkrishna

Eangland gam ah report apezal a, mi kiphah leh Pasian zau mama ten anasepna akithuopi uhi. A reportna in mite lungsim asuhkha thei mama a, zong asu thathou thei mama hi. Tua anasepna ahoizaw semna diing leh aletzawh semna diing deinan London a Society khat “*Corporation for progating the Gospel among the Indians of New England*” kichi AD 1649 kum in ahingphut khie hi. India mite lah a Khantanhoi thupha genzah diing pen silbailam ahi vawt sih hi. Aziehpén, Haam tuomtuom zang chiet ahiman uleh amau haam a gelthaw die laimal (literature) neilou ahiman un, tualeh munkhat a inn det tah atenglou un kisuon kawikawi ahiman un hamsatna lienpi aum hi.

John Eliot in ahinkhuo a asil tup thupipen ahileh, “*India mite hagau bou hundam diing hilou in, tahsa lam khsatna uh, innten, louhaw tunding tha diing*” chi khu ahi. A piengthasate kunga puonsil diingapiea, asilsahhi. London

a society te kithuopina toh sanginn ahongpen in India mite diing bou in ahong a, thugentu diing leh mi zatthei diing tampi asiemkhie hi. Eliot in Algonquin haam in laimal (literature) asiemkhie a, Kum AD 1663 tua haam in Laisiengthou zong alet khiesa hi (Published by Cambridge). Tualeh kum 1666 in India mite haam in Grammer asunkhie hi. Tualeh Khristian Thugin bulpite thukidawng dan in kum 1653 in anasunkhe kie hi.

JOHN ELIOT NASEPNA A HAHSATNA ATUOTE:

India gam a thumna khopi abawl ahing pung huoihuoi a, AD 1674 kum tannin Khuo 14 leh Khristian Milip 3,600 vel ahing um theita hi. Natick kichi mun a Biehinn masapen diing in kum 1666 in alam khie hi. Khriatianteahingpun deudeu tahchiengin Indiate Hausapu Philip kichipan AD 1675 in gingtute ahingdou panta hi. Mi sangtampi tha in ahing um a, Massachusetts khopi kimkhat bang susiet in ahing um a, India mi

22. “Damdawi theitam khenvalte ziehin ka shi loh hi” – Alexander the Great.

Khristian pawlte zong Boston Long khawlna gei a, “*Deer Tuikuolgam*” ah tensah in ahing umta uhi. Tuamun a phunlou kei in, kingaangiem tah leh siengthoutah in ateng ua, hinanleh kum 2 nuohin amau innchiet ah akinuole kieta uhi.

John Eliot kum 86 adam a, hinanleh adamsung in nasep diing atasam sih hi. Innsung a a innkuonte adiing in hunpie apoimaw a, Roxbury a hattuumte etkol leh kep poimaw ngal a, India mite lah a nnasep toh buoiin akichingla thei mama uhi. John in ashi diing kuonin tambang in thu agen hi, “*Innlam zuon a pei diing kahi ta, hing kipahpi un*” achi hi. Tuachin kum 20th May, 1690 in aleitung hinkhuo abeita hi. Mitampite’n Eliot nasepte angai thupi thei mama ua, “*Indiate Sawltah*” chie minvaw in a um hi. Baxter in John Eliot tanchin tambangin ana giel hi, “*Khovel a John Eliot sanga ka thupi ngaizawh diing mi dang aum sih hi*” achi hiel hi. Eliot in kingaangiem

tah a nna aseplai in, America gam ah awlawl in kikhelna thupitah ahingtun hi. Tualeh Europe gam akipan mi tampi ahingpem lut ua, mi zong ahing tam deudeu uhi. England gam akipan in Baptist pawlte leh Quacker pawlte ahingpem lut ua, Mennonite te Switzerland gam a kipan in ahingpei ua, Lutheran te German gam akipan in ahing pem uhi. Khantouna thupitah ahingtun a, Biehinn leh Hattuum zong tampi ahingum khie hi.

Tamna India mite kichipen ei India gam hilou in, America gam a Red Indian kichite pawl kigenna ahizaw hi. Christopher Columbus in khovel tha America a mukhiet lai in, America mukhie ahilam kithei pailou in, India tungdan in a kingaituo zaw hi. A gam mite adin uh asan jiehin Red Indian achi a, amaute khu ei India gam leh mite hilou in Red Indian chi a um, America gam mite genna ahizaw uh chi theisiem diing khu apoimaw hi.

23. “Na ginna sang a na lawpna atamzaw leh, kiplou ding chi theisah ahi” – Job Thawngno

A GINUM (CHITAH) PASTOR

Mangkang gam ah Pastor khat in tapa deihuoitah khat anei hi. Tua a tapa neupen a pien ding chiengin a zi naunei dingin zatou inn (hospital) ah aumpi hi. A zi pen a naunei hun ding naita ahimanin ama tha toh akipia zounon tasih hi. Tua laitahin a umna khuo sunga hattuum dang khat in nipi ni thugen dingin a chiel uhi. A zi leh a tapa Pasian khut ah kemsahin thugen dingin a peisanta hi. Kikhop a tawp chiengun Biehinn kot gei ah mi khat in ana dawntuoh hi. Pastor na zi pen naupang nou (ata tumpen) tungah kingam in ashi hi. Hi thu hing gen dingin hing pei ka hi hi, chin agenta hi.

Pastorpa zong paipi vingveng in, zatou inn atun chiengin a tapa neupen zatou innmai a gari khawl dinga a kinungton in gawt kha a, kam khat zong kihoupi thei louin a shi pai hi. Tua a tapa neupen tungah a zinu nausuo ding kimlai jauseng ahiman in abupshi a, ashi pei suota hi.

Pastorpa in a akuonlam in nau nei ding chi in nuom asa mama laiin akilehkia lam in shi vui dingin a kilehta hi. Ahivangin ama pen Jesu adingin mi muonhuoi mama khat ahi hi. Inn a tun chiengin a zi luong leh a tapa luong pen lupna tungah hoitahin a siel jou chiengin mipite a sip na dingin thu apia a, “Mangpa minthang taken, tuni a ka innkuon sunga siltung pen kei akipan ka zi leh ka tapa leh noute zousie ahoizaw na ding ahizaw hi. Pasian tungah lungdam thu gen vai” chi in a hitui luong pumin Pasian tungah hing kikuo kheta hi.

Tua nung a sawtlouin ama gen bang mahin ama leh a hattuum sungah Pasian nasepna lamdang pipi hing tunga, tuate laibu nangawn ah gielin a kihawmkhia hi.

Tunin Pastor te leh semtute kunga tambang hun in ding talei, Pasian thupina ipe diei? awleh Manggam nna isepnalam a kiemlam inotzaw ding uoi? ngaisut tham kasa mama hi. Tami ahi, Mangpa nuozui athupina leh amanphatna, tam bang a Mangpa nuozui ngamchiet din simtu zousie Mangpan hangsantah a anuoziute hichiet din thupha hingpe chiet taken, chi ka thumna ahi hi.

Courtesy: Thang Do Khen, laibu gel Vantung mite’ Tuollena gam (2016) chi laibu akipan iphat tuompi thei nading uah ka hing lekhiet ahi hi. •

24. “Kilim bawlna khu mutheilou khelna hing (live) gige ahi”
– John Milton.

MISSION COLUMN

Kum 2025 Khochin/Local Chin Mission Budget/Target i nei a nuai a bang ahi

SI/N o.	Khomin	2025 TARGET	SI/ No.	Khomin	2025 TARGET
LAMKA EAST DIVISION			SANGAIKOT DIVISION		
1	Central Church, Tuibuong	1,55,000	1	Sangaikot	30,000
2	Ngulzenveng	30,000	2	Tuining	15,000
3	Zoumunnuam	1,05,000	3	T. Vajang	15,000
4	Bethel Chapel, Hiangzou	1,60,000	4	Singheu	10,000
5	Simveng	1,40,000	5	Khuongkhajang	30,000
6	Tuaitengphai	35,000	6	Zou Bethel	15,000
7	Tuibul	10,000	7	D. Jangnuam	10,000
8	Sehken	30,000	8	Khuainuai	12,000
9	T. Daijang	5,000		TOTAL	1,37,000
	TOTAL	6,70,000	BEHIANG DIVISION		
LAMKA WEST DIVISION			1	Behiang	77,000
1	HQ. Church, Zomi Colony	2,50,000	2	Tonzang	7,000
2	Manniangkhuo	35,000	3	Jangnuam	8,000
3	D. Phailian	12,500	4	Suongphu	13,000
4	Thingkangphai	20,000	5	S. Sehken	5,000
5	L. Zoujang	20,000	6	Pahmual	2,000
6	Immanuel Khopi	95,000		TOTAL	1,12,000
7	Mata Mualtam	5,000	THANLON DIVISION		
8	Chingmang khuo	15,000	1	Leijangphai	15,000
9	Khupgou Veng	10,000	2	N. Leitan	7,000
	TOTAL	4,62,500	3	Saite	2,000
MOREH DIVISION			4	S. Zoumun	7,000
1	Immanuel Church, Moreh	2,10,000	5	Khengjanglhang	7,000
2	JH. Vajang	10,000		TOTAL	38,000
3	TM Zoumunnuam	15,000	TRIPURA MISSION FIELD		
4	N. Gangpijang	20,000	1	Kangrai / Tripura	12,000
5	Motha	20,000	2	Dangapara / Tripura	5,000
	TOTAL	2,75,000	3	Colony Para, Kangrai	3,000
SINGNGAT DIVISION				TOTAL	20,000
1	Singngat	1,00,000	OUTSIDE MANIPUR/CITY CHURCHES		
2	Phaibem	45,000	1	Shillong LC	1,80,000
3	Kullian	15,000	2	Delhi	1,20,000
4	M. Lunmuol	30,000	3	Bangaluru	50,000
5	Muallum	50,000		TOTAL	3,50,000
6	Sumchinvm	40,000	GRAND TOTAL		
7	Zabellei	20,000		TOTAL	23,90,500
8	Allusingtam	20,000	Rupees: (Twenty Three Lakhs Ninety Thousand Five Hundred) only		
9	Likhai	6,000			
	TOTAL	3,26,000			

25. "Khovet ngiemkiena lah a hoilou pen khu, mite'n kilawpna amansuona uh ahi" – H.W. Arnold.



LYF COLUMN

LYF GENERAL HEADQUARTER IN A 68 Vei Vaihawmna Leh 2025-2027 Sung Vaipaw Ding Teelna Nei:



Lutheran Youth Fellowship General Headquarter in January 24, 2025 in Headquarters Church, Zomi Colony ah A 68 Vei VAIHAWMNA LEH KITEELNA nei hi. Rev. Suonboi Tungdim, Director of Ministries i/c Youth leh Rev. Kamminthang, Director of Mission and Evangelism te saina nuoi ah 2025-2027 sung Vaipaw ding tam anuai a bangin teel khiet ahi.

PANMUN

MIN

KHUO

# Chairman	Pa P Khamminlun	Simveng
# Vice Chairman	Upa T Pumminlal	Hqtrs. Church
# General Secretary	Pa Khamkhanmung @ KK Manlun	Hqtrs. Church
# Joint Secretary	Tv. Paukhochin	Simveng

26. “Thudih sang a Khristianna ngaisangtu in, Khristianna Sangin ama Hattuom a ngaisang zaw dinga, atawpin ama a kingaisang ding hi” – Samuel Taylor Coleridge.

# Secretary		
(Moral & Religion)	Evan. Ginminlun	Phaibem
# Secretary (Music)	Tv. Kamkhanlal	Hqtrs. Church
# Secretary (Talent)	Nh. Mangmuanching	Central Church
# Secretary (Industry)	Nh. Nianghoichiin	Hqtrs. Church
# Secretary (Education)	Pa M Hauminthang	D Phailian
# Secretary (Information)	Tv. P Khamsuanpau	Central Church

Kiteelna jou in Rev. Suonboi Tungdim, Director of Ministries i/c Youth in Lamkai teeltha te Thumsahna anei hi. Mangpa Pasian in Lamkai thate zang a LYF sung Hagau leh tahsa lam a khantouna leh masawanna hing tun taken chi ithuumna uh ahi.

The Rt. Rev. Khup Do Khen, Bishop in Naupang Sunday School “Beginner Subject Part I, II & III” leh “Sunday School Teachers’ Manual” bu honna leh latna anei hi.

Sunday School Subject man:

- | | |
|------------------------------|--------|
| 1. Beginner Part I | ₹ 50/- |
| 2. Beginner Part II | ₹ 50/- |
| 3. Beginner Part III | ₹ 50/- |
| 4. Primary | ₹ 30/- |
| 5. Primary: Workbook/Student | ₹ 30/- |
| 6. Junior Part I | ₹ 30/- |
| 7. Junior Part II | ₹ 30/- |
| 8. Intermediate Part I | ₹ 30/- |
| 9. Intermediate Part II | ₹ 30/- |
| 10. Senior Part I | ₹ 30/- |
| 11. Senior Part II | ₹ 30/- |
| 12. Teachers’s Manual | ₹ 20/- |

A tunga Sunday School Subject te Office kai hun sungin MELC Zumpi ah lathei zing ding ahi.

Francis Neilian Samte
General Secretary, LYF GHQ •

27. “Na hatna na thununzaw sih ngeingei leh nang ahing nthuhun ding hi” – Horace.

MELC INNSUNG THU

1. JANGKHOLEN MATE, MISSIONARY COMMISSIONING:



Apeisa Date 20/1/2025 Nitalam nai 1: 30pm in Martin Luther Hall ah Rev Suanboi Tungdim, Director of Ministries MELC in Pa JANGKHOLEN MATE khu Colonypara, Kangrai, Tripura a **Missionary** ding in “Sawlkhietna” (Commission) vaiguon Mission Boardte saina toh Moderator, Dy. Moderator, Director of Ministries, Director of Mission leh Office Staff te leh Upa leh Pastor khen khat toh kipahtah in vaiguon zatpi uhi.

Vaiguon tangpite:

1. Hunkem: Rev Kamminthang, Director of Mission/MELC
2. Hunpat thumna: Upa Daikhanthang, member MD/MELC
3. Vaidawn thugenna: Upa T. Kamdou, Vice Chairman, MD/MELC
4. Commissioning service: Rev Suanboi Tungdim, Director of Ministries MELC
5. Houlimna:
 - i) Pa Jangkholen Mate
 - ii) Upa S. Zamzalam, Moderator MELC

28. “Editorte khu lai gieltu leh lai simtute kikaal a diing (stand) ahi” – L. Keivon.

6. Nuomthugenna: Retd. Rev Thangliankham, Chairman MD/MELC
7. Tawpna & Niangtui latna: Upa GL Tungnung, Dy. Moderator MELC

2. UPA KAMZAMANG IN T. DAIJANG MELC TE INVERTER 1 PIA

Apeisa Date 20th January ni in Pasion gualzawlina toh Upa S. Kamzang of Behiang, Chairman Behiang Division in T. Daijang MELC te zat ding INVERTER (V. Guard) khat leisah in Upa Hauchinlam khut ah piekhietna nei hi.



Mangpa Pasion in mailam hun ah tabang a silhoi bawl zou semsem dingin Upa S. Kamzang leh a Innsung mite guolzawl taken.

3. SINGNGAT DIVISION IN PASTOR & UPA THATE LALUTNA HUN ZANG:



Apeisa 18th January in, Singngat Division ten “Division Conference Hall” ah Division sung a Upa thate leh Pastor hing lut thate, aluipa leh Upa phuonkhiet aumte vaidawanna leh mangpha hahna vaiguon nei uhi. Tuana Upa thate ahileh

- i) Upa S. Vumsuanlal, Muallum
- ii) Upa Lianthang, Muallum.

29. “Thupuhna (decision) na bawl hunlaitah khu na damsung a na huntawp bawltu ahi” – Anthony Tony Robbins.

Tualeh Pastor thate ahileh:

- i) Rev T. Chinlunmang, Phaibem
- ii) Pro Mangliansang, Singngat MELC (in)
- iii) Upa Lianmuanlal, Kullian Hattuom adia phuonkhiet ahi

Tualeh Pro Pastor Langzungthang (Outgoing) nuom tah in zangin Rev Dr Ginkhanmung DS in amaute lalutna leh hakhietna thumsahna hun zang hi.

Vaiguon tangpi ahileh:

- i. Hunkem : Division Chairman/ Secretary
- ii. Hunpat thumna : UpaChinkhanhau, Jt. Secretary
- iii. Thumsahna : Rev Dr Ginkhanmung Zou, DS
- iv. Pakhi awsahna : Division ELWA

4. LED IN EVAN. D. GINPU HAKHIETNA VAI GUON ZATPI:

Apeisa 23rd January in Lamka East Division (LED) ten, aseppi uh Evan. D. GINPU MELC Vaihawmna sangpen in Lamka West Division (LWD) a semta dia mopuohna apia dungzui in, aseppi LED ten Central Church Tuibuang MELC mun a hakhietna leh thumsahna vaiguon lawchingtah in zang uhi.



Vaiguon tangpi:

- 1. Hunkem : Upa Dongzalian, Secretary LED
- 2. Hunpat thumna : Upa B. Nengmang, Vice Chairman LED
- 3. Hanthawanna leh Thumsahna : Rev Nengkhanlal Milun, DS/LED

30. “Mangpa Jesu uplouna mun zousie khu Gotmun ahia, Mangpa Jesu umna mun zousie khu Vangam ahi” – William Barclay.

4. Divisionte hun : i) Upa Tunzagin, Chairman LED
 ii) Division ELWA
 iii) Division LYF
5. Thugenenna : i) Evan. D. Ginpu
 ii) If any one
6. Tawpna leh Singpi latna : Pastor M. Thangboi Zou, Biel Pastor
7. **MISSIONARY JANGKHOLEN VAIDAWNNA LEH QUARTER LATNA:**



Apeisa 23rd January ni in, Tripura Mission Field a Missionary nasem dia kipekhie **Jangkholen Mate @ J Mate** khu, Pastor Hausawmlal, Local Pastor SLC, Vaidawn thumsahna leh Missionarypu Quarter ding latna nei hi. Gam sung mipiten kipah tah leh thalawp tahin Missionarypu ana vaidawn uhi. Tualeh Pastorpu in Mi-11 Tuiphumna (Baptisma) zong apieh hi.

Missionary Jangkholen Mate ahileh Colonypara, Kangrai, mun a sem ding ahi hi. Pasion in Hagau mangthai tampi man khetu a apan theina dingin ei Hattuom miten thumna toh Missionary itosot zing uh angai hi. •

31. “Migilou sia (iron) zang a ga (tight) Sangin, midih khau (thread) zanga ga akizaw hi” – Scottish Thupil.

THUHUN LUI LEH THUHUN THA KIHENNA TUOMTUOMTE

THUHUN LUI

- Adam ziehin mi zousie ashi a
- Adam nahgu apan numei hing um a
- Tui sisan suosah in a um a
- Khiel ngaidamna din ganta sisan luong
- Sinai muol a Dan thuhun pieh ahi a
- Dan thupieh ni in mi 3000 ashi ua
- Gamdai ah kum 40 sung pui in aum ua
- Sabbath ni in a khol ua
- Jordan lui ah Baptist in aum ua
- Mana leh Vamin a va in um ua
- Mihingte'n khelna thupha a kitoi tua ua
- Pasion mu khu shina ahia
- Suongpi akipat tui dawn ding apie ua
- Abraham in singbo lah a belam amu a
- Amelmate uh namdangte ahi a

THUHUN THA

- Jesu Khrist ziehin mi zousie hin sah in aum hi.
- Jesu nahgu a sisan apan Thuhun Tha hattuom um
- Tui Uain suosah in aum hi.
- Khel ngaidamna din Jesu'n ama sisan a seng hi.
- Kalvary muol ah hepina a siemtansah in aum hi.
- Penticost ni in mi 3000 a piengtha uhi.
- Gamdai ah ni 40 Hagau a pui in aum hi.
- Ginna in Jesu Khrist ah a khol uhi.
- Hagau Siengthou in i lungtang ahing Baptist hi.
- Hagau Siengthou thutah a va in ium uhi.
- Jesu Khrist sisan in I khelna thupha tawina ahi.
- Jesu Khrist zieh in Pasion melmu in i hing uhi.
- Khrist suongpi in tuihing dawn ding ahing pieh hi.
- Gingtute'n hamsatna kal ah Jesu imu hi.
- I melma lienpen khu i lungtang ahi.

Source: Ruth Messenger, January-February 2017 apat lekhiet ahi by Managing Editor.

THUMNA AH LANCHIET VAI:

Lamka East Division vaina in ahing tung ding Date 13-15th March chiengin in Tuitengphai MELC mun ah, Tuaitengphai, Tuibul, Daijang leh Sehken MELCte a dingin HUNDAMNA CAMP nei ding asawm ua, tuanah Speaker: Evan. T. Damkothang pang ding hi.

Tam vaiguon lawching tah a zat ahitheina dingin, hattuom mite'n amanpha ithumna uah lanchiet vai chi, Camp Committee te thakhel in ngetna ka hing bawl hi.

- Pastor M. Thangboi Zou
Chairman-cum-Camp Director

32. "Lamkai nasep khu nungzui tamsem bawlkhiet Sangin, lamkai thei ding tamsem bawlkhiet ahizaw hi" – Ralph Nader.

Gospel Tangkou (Gospel Herald)
RNI Regd. No : 62170/95 MNP 76
(Hachin a kisuo, hattuom khanletna ding)

If undelivered, please return to
The Editor, Gospel Tangkou
MELC Office, Hqtr. Zomi Colony
Post Box – 10, Churachandpur 795128
Manipur, India,
e-mail: melcqrts@mail.com

Printed at



Convention Book House
Dorcas Hall Campus, New Lamka

BOOK POST

To

.....

.....

.....